

射

鷹

樓

詩

話

序

閩中林薌谿孝廉以沈博絕麗之才爲經史之學庚戌夏余從都下識孝廉於葉潤臣內翰座學博詞雄今之顧亭林朱竹垞也嗣讀三禮通釋二百餘卷及小石渠經說溫經日記說文二徐本辨譌諸書精深博奧殫見洽聞近世罕有其匹道州何子貞先生孝廉座主也嘗謂孝廉嘗從三禮辨途知與乃以貫通諸經近日說經之士治禮者無孝廉之精且博也真知言哉及仲夏南歸余與孝廉同行孝廉出其詩藁授余讀之覺風骨沈雄氣韻逸秀足以繼響開寶諸公孝廉立品端方留心時務而胸懷爽朗每談海氛事卽激昂慷慨幾欲拔劍起舞著有平逆志四卷及平夷十六策切於時務誠經國之大業不朽之盛

事也英逆爲人神所共憤則孝廉之書必有以紓其蘊抱矣  
又以餘事著射鷹樓詩話孝廉家福州省垣與烏石山相密  
邇山爲厲鷹所穴孝廉蒿目時艱故繪射鷹圖以見志其詩  
話前數卷多詳時務嗚呼此張九齡之金鑑錄鄭俠之流民  
圖可以見諸施行不得勵以世之詩話目之末卷附錄朱侍  
御新饒歌四十九章此江漢常武之詩蒸蒸乎治平之象焉  
按詩話之例大旨有四一則志在射鷹故前數卷記海口事  
不憚再四言之次則借詩以正風俗意在維持風化其用心  
亦良苦矣又次則主於論詩一歸正始懼騷雅之不作恐風  
月之銷沈孝廉於近代詩話極推朱竹垞潘四農二家謂竹  
垞搜羅極博四農論斷極精余謂竹垞詩話專記有明一代  
掌故不如孝廉詩話上下古今所論甚大四農詩話論詩專

取質實二字且於古今詩人勵推子建淵明少陵三人而已  
此尙宥於見解孝廉所見極博所解極精淹洽同於竹垞而  
特識高於四農故可貴也又次則專重師友淵源孝廉交遊  
遍海內凡平日論交所及其於生平師友之片詞隻字皆悉  
錄之此孝廉所著詩話之大畧也余與孝廉同行五十餘日  
計程四千餘里孝廉舟車之中手不釋卷至四鼓就寢枕上  
猶暢談經史或詩古文詞疊疊不倦孝廉解經及史博及萬  
卷多聞所未聞余悉記之於楮名曰同舟異聞錄孝廉愛余  
詩及文既采余文入近代十二家文鈔矣又采余詩入詩話  
且使予爲之序訓不敏感深知已其奚敢以不文辭因舉其  
瑩瑩大者以告併世學者讀孝廉之書者咸豐元年正月試  
燈節粵東長樂伊初愚弟溫訓頓首拜序於嶺南梧谿石屋

射鷹樓詩話例言

夫子詩話之作意在射鷹非同世之泛泛詩話也故集中前二卷專言時務末卷以饒歌結之其用意深哉

凡詩話中諸家有逸事可傳者則爲詩傳以表之非好爲煩重也寓詩鈔小傳之意云爾

朱竹垞靜志居詩話多載勝國遺事不厭煩言可備掌故集中長篇備載逸事多暢所欲言用竹垞詩話之例耳不得拘於文之繁簡也

他人詩話多論詩而已夫子詩話所包甚廣凡有關於風化者無不痛切言之此扶世翼教之書不得僅以詩話目之夫子別採海內詩人及師友交遊之詩名敦舊集嘉慶道光二朝搜羅頗稱詳備以書至八十卷一時難於付板故詩

話於諸家集中佳篇多者必重疊採之恐其湮沒不彰也  
詩話中多維持世教有關人心世道之言如蕭山毛西河攻  
擊朱晦翁不遺餘力而西河立品末端鄴全紹衣先生發  
之今詳採鮫埼亭外集西河別傳以覘西河平日行止證  
其言之不足據非好爲鈔胥也不如此不足以徵西河之  
妄或疑採取太煩此卑識淺見井蛙窺天螭螭撼樹耳不  
足責也

曲端事採全紹衣文集亦此例

吾閩通志關一省文獻豈容敗於垂成詩話於通志一條凡  
福建舊續通志之例及新纂志之例駁辨詳明博而且精  
言之有物非胸羅萬卷者不能道其隻字其有關於全閩  
掌故者非淺鮮也於吾道亦大有功焉

先母舅林文忠公與夫子相知最深其平日禦夷之法與夫

子論之亦最詳盡文忠公嘗謂人曰吾宗薌谿孝廉留心時務平夷之策可以見諸施行

夫子深於經學著書滿家其所爲詩古文詞雄厚槃深入古賢之室詩話中自時務以及論詩無所不有其所載有關風化之言非等於頭巾腐氣也

集中所載諸大家詩皆足雄視一代或祇長一體或兼長各體必重疊採之或惟登某題或僅採名句視其人本集刻與未刻傳與不傳耳

夫子論詩極精詩話中多補前人所未及其於嚴滄浪詩有別才非關學一語必力辨之恐不讀書者以滄浪詩話爲藉口也

詩話詳於射鷹而有關風化者次及之論詩又次及之採師

友詩又次及之非如全閩詩話之例一人不遺故集中於閩省諸家詩不能遍採惟舉其所知而已

集中所論射鷹而外如邪教及花會之貽害人心必痛切言之守土者能於花會治法依說行之真救世之良法也集中論老蘇辨奸論非由賦詩起釁論大蘇傷暑俱服黃芪粥皆眼高於頂非見地獨明者不能道

夫子通乎陰陽五行之理博聞廣識集中凡豪猪之辟毒鳳蕉之辟火方書之辟怪鴟皆詳載其法其有益於人者不少也

所採之詩多合三百騷選之旨漢魏盛唐之遺凡五七古五七律五七絕有佳篇未刊者多全載之以爲敦舊集之嚆矢焉耳



夫子竭十餘年搜輯之功編詩話既成庚子至庚戌

六上公車皆攜帶行篋庚戌會試嘗命葆楨爲立凡

例葆楨驚駘下質焉敢參論次之末惟受教有年不

敢固辭今春復錄副墨郵札京師時葆楨備員史局

公餘下直謹就箸書大旨詳其本末至於集中名言

莊論妙語解頤讀者自悉之不能細述也時咸豐元

年春仲

受業沈葆楨謹識

叅閱姓氏爵里

儀徵阮文達公芸臺先生

元

侯官林文忠公少穆先生

則徐

吳縣吳崧甫侍郎師

鍾駿

道州何子貞太史師

紹基

宜黃陳少香大令師

偕燦

河間苗仙麓明經

夔

粵東長樂溫伊初孝廉

訓

溱浦嚴仙舫觀察

正基

邵陽魏默深司馬

源

番禺陳蘭浦廣文

澧

平定張石洲明經

穆

益陽湯海秋正郎

鵬

合肥徐易甫孝廉

子陵

晉江陳頌南侍御

慶鏞

臨桂朱伯韓侍御

琦

旌德呂鶴田鴻臚

賢基

文昌葉鏡洲孝廉

棲鸞

漢陽葉潤臣侍讀

名澧

侯官林梅心布衣

萬春

武進趙伯厚贊善

振祚

武陵楊性農太史

彝珍

江都汪孟慈太守

喜孫

上元梅伯言正郎

曾亮

四明姚梅伯孝廉贊

道州何子愚司馬紹京

監利王子壽比部柏心

曲阜孔繡山舍人憲彝

善化孫芝房太史鼎臣

甯德左觀唐孝廉元炯

建甯吳厚園茂才淳

錢塘龔昌邑國子生太息

順德羅椒生通政尊衍

閩縣何肫邁孝廉廣憲

侯官林鏡汝舟

閩縣林自求布衣景福

光澤何願船比部

秋濤

漢陽劉某雲學正

傳瑩

長沙李梅生太史

杭

山陽魯通甫孝廉

一同

高安朱一汀孝廉

贈

閩縣曾亦廬大令

元澄

南平曾雨蒼孝廉

世霖

嘉興錢蔚如孝廉

炳森

家文忠公少穆宮傅書

薌谿八兄大人閣下啟者前煩閣下代閱李蘭屏比部遺詩去畱甚當茲更有三卷呈覽並大箸詩集及詩話五本送上察收大箸氣魄沈雄風格逸秀溯源浣花太白輞川昌黎東坡渭南不失三百之旨近代則合顧亭林吳梅村朱竹垞宋荔裳爲一手閣下湛深經術精究三禮而詩筆如此雄厚俊逸誠當世之所稀也詩話採擇極博論斷極精時出至言閱者感悟直如清夜鐘聲使人夢覺真足以主持風化不勝佩服之至近代詩話閣下極推竹垞四農二家謂竹垞搜羅極博足以考獻徵文四農論斷極精足以存真別僞鄙意謂閣下之詩話旣博旣精可以合二家而一之顧諄諄欲以鄙作廁其間恐砒礪不足以襍球璞也錄便當卽呈覽光題飼鶴

圖七言古氣格渾成意在言外可稱高手謝謝前送上命題  
尊太孺人一燈課讀圖未知有當大雅之意否賢母賢子令  
人起敬閣下學成行修可謂無負先志矣射鷹驅狼圖命意  
甚高所謂古之傷心人別有懷抱也拙作俟撰好呈上大箸  
平夷十六策及破逆志四卷真救世之書爲有用之作其間  
規畫周詳可稱盡善此百戰百勝之長策與弟意極合弟在  
粵東時五圍夷鬼三奪夷船其兩次夷船退出外港不敢對  
陣皆此法也閣下以命世之才終當大用於世待時焉可耳  
弟老矣望閣下他日爲范文正王文成則吾宗之光亦吾闔  
之福也昨晤鹿春如觀察已將書院指薦矣謹肅寸楮卽頌  
箸安不次庚戌仲秋竢邨退叟宗弟則徐顙白

射鷹樓詩話卷一

侯官林昌彝惠常輯

余家有書屋東北其戶屋有樓樓對烏石山積翠寺寺爲饑  
鷹所穴余目擊心傷思操強弓毒矢以射之又恐鏃鏃虛  
發惟有張我弓而挾我矢而已因繪射鷹驅狼圖以見志  
故名所居之樓曰射鷹樓題者甚衆惟宜黃陳少香先生  
借溪詩言古一篇沈鬱頓挫壁壘森嚴不愧萬人之敵狼  
能助鷹爲虐不可不驅故並圖之閱者勿笑書生之荒於  
田獵也詩去林生四十負奇氣讀書萬卷才沈雄請纓早  
蘊終軍志投筆常慕班超功縱橫挾策不得試蒿目隱隱  
憂飛蓬男兒七尺好身手安忍得失隨雞蟲竭來海上一  
馳馬獅花騰踏橫雕弓黃雲壓陣渤海北赤手射日扶桑



東秋氣成陰出鷹翮封狼跋扈尤頑兇鴟鵂鵂鵂鵂  
犬羊虎豹豺獍豺呼朋引類恣噉食弱肉易盡窮檐窮一  
發再發英風起連天殺氣消長虹雷鳴伏鏑撼山岳電掣  
鎩羽羅研縱天狼墮地鬼狐沒一掃厲氣秋宇空寢皮食  
肉行且快揮戈反日將毋同上方信有斬馬劍壯夫莫笑  
雕蟲工似聞塞上新開幕軍門伐鼓聲鼙鼙羊羔飽醉銷  
金燠琵琶迭奏瓊瑜紅書生好事豈越俎毋乃猿臂希從  
戎嗟我身世羈羅網髀肉坐嘆消磨中少陵野老悲歲暮  
短衣看獵殘年終爲君作歌署幘尾海天莽莽生長風

儒者雖窮而在下不可無先憂後樂之意范文正公爲秀才  
時便以天下爲己任卽少陵之廣廈白傅之長裘是不可  
不有其志也古來名臣皆能副此語程子所言一命之士

苟存心於愛物於人必有所濟若身居高位而無益於民  
物則當引身而退毋致貽譏戀棧常熟蔣伯生大令因培  
詠木棉絕句末聯云堪笑燭天光萬丈何曾衣被到蒼生  
按木棉花爲粵產其絮不能織布大令詩深得規諷之旨  
余繪射鷹驅狼圖橫幅小照題咏極多後又繪射鷹圖手卷  
粵東長樂溫伊初孝廉訓題云射隼高墉絕技聞汝鷹何  
事劇翻翁黃間白羽乘空發兩血風毛墜地紛爪嘴莫矜  
同勁鐵乾坤從此淨妖氛層樓海上雕弧影已懾愁胡挾  
暮雲可謂深得杜骨

英夷不靖以來洋烟流毒中國甚於洪水猛獸海口五處通  
商實非久計卽以福州海口言之

五虎門兩  
閩安鎮營

洋煙之入每

日三大箱每箱值洋番八百員又六十餘小箱每箱值洋

番六十員每日共輸洋番六千餘員不足以銀代之又不  
足以好銅錢代之每歲計輸錢三百萬

若合五海口所輸計之每歲奚止二

千萬

福州之地卽以金爲山以銀爲海亦不足供逆夷所

欲況地瘠而民貧者乎數年以後民其塗炭矣余意欲革  
洋烟須先禁內地吸食洋烟之士民然後驅五海口之英

在

逆驅之之法則不主和而主戰余前有上某大府平夷十

六策邵陽魏默深司馬

源

見之決爲可行默深負命世才

書生孤憤與余有同志焉其著海國圖志六十卷爲以夷  
攻夷而作爲以夷款夷而作爲師夷長技以制夷而作其  
書一據前任兩廣總督家文忠公少穆先生所譯西夷之  
四洲志再據歷代史志及明以來島志及近日夷圖夷語  
鈎稽貫串創榛闢莽前驅先路大都東南洋西南洋增於

原書者十之八大小西洋北洋外大西洋增於原書者十之六又圖以經之表以緯之博稽羣議以發揮之或以爲此何以異於昔人海圖之書曰彼皆以中土人譚西洋此則以西洋人譚西洋也其自序云易曰愛惡相攻而吉凶生遠近相取而悔吝生情僞相感而利害生故同一禦敵而知其形與不知其形利害相百焉同一欸敵而知其情與不知其情利害相百焉古之馭外夷者諏以敵形形同几席諏以敵情情同寢饋然則執此書即可馭外夷乎曰唯唯否否此兵機也非兵本也有形之兵也非無形之兵也明臣有言欲平海上之倭患先平人心之積患人心之積患如之何非水非火非刃非金非沿海之奸民非吸烟販烟之莠民故君子讀雪漢車攻先於常武江漢而知二

雅詩人之所發憤玩卦爻內外消息而知大易作者之所  
憂患憤與憂天道所以傾否而之泰也人心所以違寐而  
之覺也人才所以革虛而之實也昔準噶爾跳踉於康熙  
雍正之兩朝而電掃於乾隆之中葉夷烟流毒罪萬準夷  
吾皇仁勤上符列祖天時人事倚伏相乘何患攘剔  
之無期何患奮武之無會此凡有血氣者所宜憤排凡有  
耳目心思者所宜講畫也去僞去飾去畏難去養癰去營  
窟則人心之寐患祛其一以實事程實功以實功程實事  
又三年而蓄之網臨淵而結之毋馮河毋畫餅則人材之  
虛患祛其二寐患去而天日昌虛患去而風雷行傳曰孰  
荒於門孰治於田四海既均越裳是臣默深俯仰世變深  
抱隱憂箸有寓公小草其前史感云誰奏中宵秘密章不

成榮號不汪黃已聞狐鼠憑城社安望鯨鯢戮場疆功罪  
三朝雲變幻戰和兩議國冰湯安劉自是諸劉事絳灌何  
能贊塞防揖盜開門撤守軍力翻邊案熾邊氛但師賁塞  
牛僧孺新換登壇馬服君壯士憤捐猿鶴骨嚴關甘送虎  
狼羣尙聞授敵攻心策惜不夷書達九雲草木兵聲報粵  
陬海潮怒汨尉佗秋豈聞火戰乘風逆安有山臺代敵修  
黃蓋荻舟供賊炬王匡羈卒但民仇從來禦寇須門外誰  
潰藩籬錯六州同仇敵愾士心齊呼市俄聞十萬師幾獲  
雄狐來慶鄭誰開柙兇禍周遺前時但說民逼寇此日翻  
看吏縱夷早用秦風修甲戟條支海上哭鯨鯢後史感云  
爭戰爭和各黨魁忽盟忽叛若棋枚浪攻浪歛何如守籌  
餉籌兵貴用才李牧清芻堅壁壘孫吳斬退肅風雷浪言

孤注成功易誰向澶淵借寇萊小挫兵家勝負常重聞整  
旅補亡羊蹙軍周處罷當道倡走荀林馬亂行不斬偏裨  
申號令更拋旌節效踰跟頽士氣驕夷氣翻使江防亟  
海防陣陣雷霆夾鼓聲礮聲已偪石頭湄海風逆上皆爰  
鳥江水連天欲佛狸城下拒盟無宋華壇前割地仗張儀  
幾回白土山頭望曾記元戎退島師已壞長城不念檀孟  
明縱用補牢難欲橫鐵索愁天塹思掣鯨魚乏釣竿杼柚  
大東民力竭轍旗屢北士心寒似聞臨別由余語亦代中  
朝未雨歎

中國以大黃茶葉救夷人之命夷人反以鴉片流毒之物賺  
去中國財寶此天怒人怨爲天理所不容人情所共憤余  
嘗有詩云但望蒼天生有眼終教白鬼死無皮家太傅少

穆先生見之爲之贊賞累日

來鶴山房詩草八卷臨桂朱伯韓侍御

琦著

伯韓道光辛卯省元乙未進士

翰林院編修今官福建道御史

侍御畱心經濟尤深於詩樂府及五七言

古詩氣韻沈雄風骨俊逸有如千巖競秀萬壑爭流源出浣花旁及昌黎而能獨成一子適勁似劉誠意而魄力勝之忠愛似鄭少谷而真摯過之桐城姚石甫謂侍御詩天賦本高兼以學古之銳斂才嗇氣淵味邈音乃神與古會可謂知言余於甲辰春三應禮部試往謁道州何子貞師論海內能詩之士師曰近海內能詩者以伯韓爲最及讀其詩信侍御所詣爲不朽矣甲辰仲夏余畱京師疾殆侍御親視湯藥月餘疾爲之減他人不能也侍御能文章篤氣誼爲明體達用之學乙巳余寓侍御宅近數月論文談



道留連朝夕真足以爲朋友之樂建甯張亨甫孝廉嘗謂  
人曰伯韓今之少陵也其所爲詩悉屬侍御手定亨甫嘗  
贈句云巨手開西粵洪波漲北溟力雄出激宕思遠入沈  
冥則傾倒至矣至於立朝風節與陳蘇二君稱三御史天  
下知之則侍御之不朽者不獨詩已也其感事詩云鴉菸  
入中國爾來百餘歲粵人競啖吸流毒被遠邇通參軫民  
害讜言進封匭吏議爲條目罪以大辟擬殺人亦生道重  
典豈得已粵東地瀕海番商萃奸宄天使布威德陳兵肅  
幢榮宣言我大邦此物永禁止獻者給茶幣一炬付烈焰  
積蠹快頓革狡謀竟潛啟飛帆擾閭越百口騰謗毀致釁  
誠有由功罪要足抵直督時入覲便牒伺微指奏云喫咭  
喇厥患亦易弭顛寃至驪峽恭順無觸抵節鉞遽更代蠶

疆重責委豈料堅主和無復識國體擅割香港地要盟受  
欺紿况聞浙以西醜虜陷定海焚掠爲一空腥臊未湔洗  
虎鹿復逼近銷鑰失堅壘總戎關天培隻身捍賊死開門  
盜誰揖一誤那可悔五管嗟繹騷征調無暇晷 至尊勞  
肝食軍書厯黼宸機幄時咨對震懾但諾唯天討終必伸  
整旅奮尺箠冠軍伊何人軀幹頗傑偉驍銳五千騎索倫  
十萬矢庶往麾天戈一舉還溟渤義律何能爲勾結餌羣  
匪所恃惟巨礮以外無長技常侯昔決戰摧鋒氣披靡餘  
鯨坐饑困如魚游釜底阻隘斷其歸彼虜無完理惜哉失  
此機奔突縱犬豕大帥殊畏懦高牙擁欽義兵驕或食人  
傳聞日詆詭哀哀老尙書遺奏何噓唏上言海氛惡下言  
抱積痞箴砭輒乖謬豔戾入肌髓艱虞正須才孤憤亦徒

爾猶憶二月初番舶據沙嘴黑夜突憑城舉火縱葭葦矢  
礮橫相攻孤城危卵衆萬衆方瞠目禁呵疑神鬼樓堞幸  
少完室廬剩荆杞附郭尤慘淒蹂躪其餘幾荒庄空無人  
頽垣半傾圯可憐寶玉鄉瓦礫積硤礫迴思承平時海南  
誇麗侈巨舶通重洋珍貨聚寶賄珊瑚鬪七尺明珠炫百  
琲宴客紫駝羹金盤膾雙鯉妖姬促膝坐僕妾厭絢綺笙  
歌徹夜喧紅燈照江水豈知羅烽燹圍宅倏遷徙竄身榛  
莽叢流離迫凍餒盛衰有循環天道詎終否比聞夷務輯  
磨弓斨旋凱微勞獲甄敘所卒溷青紫虜驕愁反覆私憂  
切桑梓昨覽檄夷書疾聲恣醜詆忠義乃在民苟祿亦可  
恥古人重召募鄉團良足倚剿撫協機宜猖獗胡至此我  
朝况全盛幅員二萬里島夷至么磨滄海眇稊米廟堂

肯用兵終當掃糠粃微臣憤所切陳義愧青史蒼茫望嶺  
嶠撫劍獨流涕王剛節公家傳書後云 皇帝廿一載逆  
夷冠邊陲定海城再陷三總兵死之其一鄭國鴻其一葛  
雲飛公死尤慘烈寸磔無完尸親軍數十騎鏖戰同燼灰  
先是裕制軍仗鉞往誓師余督爲犄角三鎮受指擣要害  
議分守險艱安敢辭甬東僻海陬烽燹苦新罹流亡招未  
復怪鴟啼蒿藜荒郭背厓砦曉峯何嶽嶠竹山障其南仄  
徑窮烟霏兵法忌阻隘技擊無所施我我也安門獨力誰  
能支公率壽州兵帳下多健兒列柵據峯均彼虜潛來窺  
我兵壁壘堅無從抵其巖賊退攻竹山巨礮轟崩雷相繼  
破曉峯旗靡車輪摧公迺急赴援事已不可爲鄭帥斷右  
臂裹創強撐撐張目猶呼公陽陽如平時葛陷賊陣間血

肉膏塗泥或云沒入海振臂登危屢舉火發礮車反攻欲  
設奇一酋自後至剗刃裂腹臍惟時海色昏頽雲壓荒陂  
公棄所乘馬短兵奮突圍前隊旣淪亡後隊勢漸危相持  
已七日援兵無一來公死復何憾公名日星垂昔年戰渾  
河厥功銘鼎彝平徭盪蠻疆奪螯居前麾鯨鯢坐可屠何  
論鼠與狸命將惜非人措置乖機宜傳聞祭纛日公潛語  
所私吾已辦一死此行必不歸後竟如公言失策那可追  
大帥奔甯波招寶旋傾頽同一委溝瀆可憐損國威颶風  
吹怒濤羣鬼紛笑嬉鈔畧浙以東比戶驚鼓鼙挈家競竄  
逐遠望氣慘淒老弱僂道旁婦孺走且啼稍喜鄭方伯鎮  
定安遺黎東南困征輸淮揚半瘡痍奈何縱夷舟順流逗  
南畿用兵今兩年我皇日昧咨既苦經費絀又虞民力

疲專闔成空名文吏習罔欺寇至軍已逃兵多餉空糜頗  
聞陳將軍戰歿江之湄歸元面如生大名與公齊世論泥  
成敗事後多詆譏若公等數輩使建大將旗進可殲凶鋒  
退必堅藩籬何至貽隱憂歲幣爲羈縻戎心戒潛啟邊備  
毋遽隳 國家重武畧忠義懷前徽死事例議恤優典極  
寵綏謚公以剛節祀公有專祠公名曰錫朋傳者宣城梅  
我爲補所遺長歌告予悲侍御感事詩及王剛節公家傳  
書後爲集中大篇退之書張中丞傳後子厚書段太尉逸  
事爲馬班以還僅見之奇宋元以後治古文詞者無此鉅  
製不意於韻語中復覩雄筆

錢塘梁應來

紹壬

秋雨盒隨筆云鴉片名合甫融見徐伯齡

蟬精雋向止行于閩廣今則各省並皆漸染其類有三一

曰公班出明雅喇一曰白皮出孟買一曰紅皮出曼達喇

薩烏土爲上

班公

白皮次之紅皮又次之紅皮又有三種

花紅爲上油紅次之別出嗎喇及益叭哩者名鴨屎紅見

楊秋衡海錄又名阿芙蓉見李時珍本草綱目魏默深海

國圖志卷五十一載澳門月報論禁烟云鴉片製造一在

八達拏一在默拏

皆孟阿拉地方

而孟阿拉各官設法加工總要

引中國人嗜好此物在加爾吉達

孟阿拉部落

稅簿上即可查

出每年鴉片到中國多少到別處多少無不列明近來六

年間孟阿拉出產七萬九千四百四十六箱內有六萬七

千零三十三箱到中國故鴉片乃是中國最銷流之物今

將其數目開列於下一千八百三十三年

道光十三年

中國七

千五百九十八箱各處一千八百一十箱三十四年

道光十四年

年中國一萬二百零六箱各處一千七百九十箱三十五

年道光十五年中國九千四百八十五箱各處一千五百一十

箱三十六年道光十六年中國一萬三千零九十四箱各處一

千七百五十七箱三十七年道光十七年中國一萬零三百九

十三箱各處二千二百十三箱三十八年道光十八年中國一

萬六千二百九十七箱各處三千三百零三箱此但係孟

阿臘一處鴉片數目除孟邁等處所發賣在外每年印度

所收鴉片稅餉自五百萬至一千萬員不等故巴釐滿遂

以印度爲屬國中之第一以近來論之鴉片連到中國者

從古以來實無多過於今日總因孟阿臘官府貪心所致

故孟阿臘港口貿易較之孟買尤大計所納稅餉多於地

租每年解至英國之銀約六十三萬九千磅合三百一十五萬員連



存畱在印度以及各官所用之銀大約有二百餘棒

合一萬員

乎故英國受鴉片之利益不少亦以此招中國人之忌同

里何乾生孝廉

春元

咏洋煙七律八首摹寫無遺其詩云

海門一舸渡紅夷賺出黃金竟不知未死總難除此累他  
生最易惹相思頻年暗炙膏將竭定候微違淚卽垂錯指  
秘方醫病用者番呼吸轉無醫一辭覺岸又迷津廢物先  
輪到此身領畧本無真趣味支持偏有假精神連宵小住  
能畱客幾日初嘗尙避人熏遍佛香申戒誓剛纔相懺又  
相因越思斷絕越牽纏敢費何曾日萬錢歲月蹉跎佳子  
弟煙雲吐納野神仙坐聞命酒惟垂首行學尋詩盡聳肩  
世路已經多少險况添苦海渺無邊錦衿亂疊繡帷遮脊  
恤神膠祕漢家煅煉已成傷性藥彌縫猶當助情花借他

倚玉談私曲添箇銷金與狹斜夜半文園生渴疾一鉤明  
月索煎茶治遊勾引五陵豪里巷參陪日幾遭萬事都如  
水解釋一身竟付火煎熬腰肢屈曲時橫卧指爪纖長每  
亂搔聽說寒天風雪重范睢又典到綈袍任他市價米難  
齊強項而今首亦低繞榻賓朋方醉語隔窗兒女正饑啼  
常防失足偏爲誤極勸回頭忽自迷一事莫教人識破養  
成懶癖可攀稽腸肥腦滿漸摧殘顛顛相逢詫改觀直使  
鬼裝青面目能令人變黑心肝孤燈照處留宵伴冷枕醒  
時報午餐銀盒分來煤數點淮南雞犬舐餘丹別開利藪  
恣狼貪法令空勞禁再三誰解詰姦從左右獨憐流毒遍  
東南紙窗痴立蠅俱醉粉壁潛窺鼠亦酣牽得絲來身自  
縛半牀僵卧冷春蠶

英逆之變主和議者是誠何心余嘗見和約一冊不覺髮爲  
之指陸渭南書志詩云肝心獨不化凝結變金鐵鑄爲上  
方劍釁以佞臣血讀此詩真使我肝心變成金鐵也

英逆之變各海口死節及殉難諸君可稱忠勇余友桂林朱  
伯韓侍御皆有詩以記之表揚忠節感泣鬼神關將軍輓  
歌云颶風晝捲陰雲昏巨舶如山驅火輪番兒船頭撞大  
鼓碧眼鬼奴出殺人粵關守吏走相告防海夜遣關將軍  
將軍料敵有膽畧樓櫓萬艘屯虎門虎門粵咽喉險要無  
比倫峭壁東兩峽下臨不測淵濤瀧阻絕八萬里彼虜深  
入孤無援鹿角相犄斷歸路漏網欲脫愁鯨鯢惜哉大府  
畏懦坐失策犬羊自古終難馴海波沸涌黯落日羣鬼叫  
嘯氣益振我軍雖衆無鬪志荷戈却立不敢前贛兵昔時

號驍勇今胡望風同潰奔將軍徒手猶搏戰自言力竭孤  
國恩可憐裹尸無馬革巨礮一震成煙墜臣有老母年  
九十眼下一孫未成立 詔書哀痛爲雨泣吾聞父子死  
賊更有陳連陞炳炳大節同峻嶒猿鶴幻化那忍論我爲  
翦紙招忠魂書林把總志事云金門已逼廈門失我兵痛  
哭爲我說借問老兵汝何來道路飛書連兩月公家程期  
不得緩兩脚瘡疥皮肉裂老兵忠苦何足陳我家主帥孤  
大恩廈門屯戍兵有萬况又鎖鑰連金門當時烽堠眼親  
見主帥逃歸竟不戰獨有把總人姓林廣額大額又多髯  
自稱漳州好男子當關一呼百馬瘖可惜衆寡太不敵一  
矢洞胸腸穿出轉戰轉厲刀盡折寸鬪至死罵不絕安得  
防邊將帥盡如此與爾同生復同死定海知縣殉難詩以

哀之云定海縣濱海地瘠民甚苦縣小無兵不可守縣中  
居民無千戶吏民勸官去官曰死此土虜來益衆勢倉黃  
官投之水成仁塘如此好官我慘傷問知侯官人頗云能  
文章一子予蔭襲我爲紀其詳大書定海知縣姚懷祥朱  
副將歌云將軍名桂其姓朱膽大如斗腰圍麤願縛降王  
笞鯨奴臨陣愛騎生馬駒傳聞甯波新失利大帥倉皇欲  
走避公橫一矛臨帳前此輩跳踉那足畏我有勁兵人五  
百自當一隊往屠賊大兒善射身七尺小兒英英頭虎額  
鋒合頗能舉其旗蛇鳥指盡天爲低紅毛叫嘯番鬼啼總  
戎胡爲先遁走我我舟山棄不守鎗急弓折萬人呼裹瘡  
再戰血模糊公拔韃刀自刺死大兒相繼斃一矢小者創  
甚卧草中賊斫不死留孤忠是時我兵鳥獸散月黑漫漫

天不旦中丞下令斷江臯亂兵隔江不敢逃敢有渡者腥  
吾刀吳淞陳老將化成歌云吳淞江口環列屯吳淞老將  
剪絕倫連日鏖戰幾大捷沙背忽走水上軍援軍隔江僅  
尺咫眼見陳侯新戰死大府擁兵救不得金縉日夜輸鬼  
國

洋煙流毒中國元氣已傷救之之法有二一則絕通商一則  
開海禁絕通商非主戰不可主和則苟安於目前過此伊  
於胡底矣開海禁是彼國之人可商於我國則我國之人  
亦可商於彼國蓋海禁一開則天下之財分於百姓不能  
獨歸外地矣宜黃陳少香先生詩云已拚海國成孤注肯  
捨金湯塞漏卮又云重洋地豈能沈鐵百粵山宜盡變銅  
讀此詩不禁作杞人憂天之感

侯官家文忠公少穆宮傳遣戍伊犁出嘉峪關詩風格高壯  
音調淒清讀之令人唾壺擊碎然怨而不怒得詩人溫柔  
敦厚之旨詩云嚴關百尺界天西萬里征人駐馬蹄飛閣  
遙連秦樹直繚垣斜壓隴雲低天山巉削摩肩立瀚海蒼  
茫入望迷誰道殺函千古險回看祇見一九泥東西尉候  
往來通博望星槎笑鑿空塞下傳笳歌勅勒樓頭倚劍接  
崆峒長城飲馬寒宵月古戍盤雕大幕風除是盧龍山海  
險東南誰比此關雄燉煌舊塞委荒煙今日陽關古酒泉  
古玉門關在燉煌縣不比鴻溝分漢地全收雁磧入  
神武定何時貳負陳尸後疆拓匈奴斷臂前西域若非  
此地罷防邊一騎纔過卽閉關中原回首淚痕潛棄繻人  
去誰能識投筆功成老亦還奪得胭脂顏色淡唱殘楊柳

鬢毛斑我來別有征途感不爲衰齡盼 賜環戲爲塞外

絕句云裨海環成大九州平生欲策六鼇遊短衣攜得西

涼笛吹澈龍沙萬里秋雄關樓閣倚雲開駐馬邊牆首重

回風雨滿城人出塞

重陽前一日出關

黃花真笑逐臣來

黃花笑逐臣太

白流夜郎句也

路出郵亭驛鐸鳴健兒三五道旁迎誰知不是高

軒過阮籍如今亦步兵攜將兩個阿孩兒走馬穿林似衮

師

樊樞兩兒俱好馳馬

不及青蓮夜郎去拙妻龍劍許俱隨砂磔當

途太不平勞薪頑鐵力交爭車箱簸似箕中粟愁聽隆隆

亂石聲天山萬笏聳瓊瑤導我西行伴寂寥我與山靈相

對笑滿頭晴雪共難消古戍空屯不見人停車但與馬牛

親早旁一飯甘藜藿半咽西風袞袞塵經丈圓輪引軸長

車如高屋大昂藏晚晴風定褰帷坐似倚樓頭看夕陽僕



御搖鞭正指揮忽聞狂吼懾風威前山松徑低迷處無翅

牛羊欲亂飛百里荒程僅一家蘋垣半沒亂坡斜無端萬

斛黃塵裏偏著一枝含笑花

寒烈土妓近年始多

先生出關攜兩少

君同行載書數千卷先生別長嗣君詩云三男兩從行家

事獨賴汝汝亦欲我從奈爲例所阻

詞臣例不許請假出關

從來已

數程再遠亦何補忍淚臨交衢執手爲汝語汝父雖衰齡

餘勇或可賈平生一念愚艱危輒身許云云又載書出關

詩云縱許三年生馬角也須千卷束牛腰皆紀實也

道光十九年家文忠公奉

旨辦理粵東夷務

陛見時卽

懇陳五海口要害須得精兵嚴守庶夷人不得竄入甫出

京途次又連陳數摺至粵東責夷人繳煙若干萬箱並令

其永無攔入已有成議嗣夷人中變先生屢焚其舟夷人

竄入浙西及定海失守部議咎及先生乃遣戍伊犁其在  
戍所所爲詩不作牢騷之概途中大雪云積素迷天路渺  
漫蹣跚敗履獨禁寒埋餘馬耳尖仍在灑到烏頭白恐難  
空望奇軍來李愬有誰窮巷訪袁安松篁挫抑何從問編  
帶銀杯滿眼看秋夜不寐起而獨酌云瓦盆半傾餘濁醪  
我正內熱思冷淘欲眠不眠夜漏永得過且過寒蟲號肝  
腸賴爾出芒角俯仰笑人隨桔槔空瓶醉後作枕卧明日  
糟牀仍漉糟伊江除夕書懷云臘雪頻添鬢影皤春醪暫  
借病顏酖三年飄泊居無定庚子在嶺南度歲辛丑在  
中州河干今又在伊江百  
歲光陰去已多漫祭詩篇思賈島畏撾更鼓似東坡用坡  
公守  
歲時邊氓也唱迎年曲到耳都成勞者歌新韶明日逐人  
來遷客何時結伴回空有燈光照虛耗竟無神訣賣癡猷

荒陬幸少爭春館遠道翻爲避債臺骨肉天涯三對影

時

兩兒在戌

思家奚益且銜杯謫居本與世緣暌青鳥東飛客向

西宦味直隨殘臘盡病株敢望及春黃朝元舊憶趨丹

闕賜福頻叨濕紫泥新歲儻聞

寬大詔玉關走馬報

金雞先生在伊犁嘗墾田數千畝又奉使墾回疆田數千畝共墾田萬畝次第升科納糧充餉以抵部撥新疆經費前此所未有也先生東全小汀詩二遂山儔侶賦西征累月邊庭並轡行荒磧長驅回鵲馬驚砂亂撲曼胡纓但期繡隴成千頃敢憚鋒車歷八城丈室維摩雖示疾御風仍喜往來輕

時使回疆事

頻年遷客成輪臺何意輜軒使節陪

歸夢未逢生馬角遊蹤翻得遍龍堆頭銜笑被旁人問齒

讓慚叨首座推縱許生還吾老矣看君勲業耀三台二十

五年十一月於伊吾旅次被命回京紀恩述懷四首

云飄泊天涯未死身君恩曲貸荷戈人放歸已是餘生

幸起廢難酬再造仁一唱刀環悲白髮重來輦轂戀

紅塵枯根也遇陽回候會見金門浩蕩春挾歲鋒車遍十

城舊冬奉命展勘回疆八城開墾地畝近復續勘吐魯番哈密兩城甫經畢事花門務面馬前

迎羈臣幾見鷹星使清秩頻慚附月卿道光六年則徐居憂在籍蒙恩以

三品卿視離兩淮懇辭未赴二十一年罷粵督任復蒙以四品卿赴浙陳茲復以四五品京堂用至是凡

者三益雨露雷霆皆聖澤關山水雪此歸程銜恩正

對輪臺月照見征袍老淚傾大樹營門禮數寬將軍揖客

有南冠非徒范叔綈袍贈不待馮驩劍缺彈風世因緣成

締合一心推挽愧衰殘格登山色伊江水回首依依勒馬

看寓公家室問蒼茫笑指新豐似故鄉賤累萬西安頻附三年餘矣

音書煩北海

李石楮中丞

曾同憂患憶南陽

鄧綬前輩

門牆沆瀣

雲情重

春屬在陝西多承及門方仲鴻劉鑑泉兩觀察解推之誼

兒女糟糠絮語長準

備椒盤謀餞歲屠蘇偏合老先嘗

當逆夷之竄吳淞吾聞同安陳忠愍公

化成

勇猛敢戰自卯

至巳一可當百發十餘礮擊沈夷船二隻惜以援兵不至

遂失犄角之勢乃死於難其部將藏其尸於蘆葦中及殞

殞時有異香繞室余友晉江陳頌南

慶鏞

給諫題其遺像

中段云君不見陳老佛手執紅旗呼戰士以一當十皆奮

起礮聲人聲震百里夷人當之皆披靡火輪辟易不敢駛

自卯接戰已不止衆軍環視失角犄况復潰散無律紀敗

軍之將公所恥整飭孤軍氣倍徒目皆盡裂髮上指力殉

重陸報

天子陳少香先生五律詩云昨夜將星落吳淞

水不流忠魂蘆港月鬼火戰場秋鄉國同殘劫 朝廷念  
故侯海邊展遺像怒氣壓堦鏊

傳硯堂詩錄四卷吳縣張儀祖茂才鴻基著茂才遊幕吾聞

獲交陳少香先生及張辛田大令大令出其遺藁示余集  
中有感及讀史咏史諸作憤時感事悲天憫人惻然心傷  
深抱當世憂患所謂古之傷心人也詩境如悲笳吹月哀  
雁呼霜又如百戰健兒所向無敵茂才故酒狂目擊瘡痍  
慷慨悲歌幾於一字一淚有感五首云路隔中原萬里遙  
是誰開館納鴟鴞蠻奴有餅皆稱佛商舶無煙不吐妖尺  
土豈容輕假借多金祇買禍根苗重臣幾輩閒持節未上  
籌邊議一條自某督聽英夷設立夷館借與粵東馬頭內地烏烟遂充斥矣抗疏拚將積  
弊除漏卮欲塞竟何如夷吾死後誰籌海賈誼生平此上

書天以人多開殺運民緣業少失安居閉關就使交能絕  
已是殘棋被劫初斗大孤城倚夕陽舶來猶是認通商早  
知橫海兵能渡可惜嚴關備未張頡利處心非旦夕十侯  
埋骨竟沙場紙鳶信斷重圍急大帥巡秋正出洋望斷經  
年報捷旂舟山依舊陣雲飛一城烈火轟銅礮萬帳寒風  
擁鐵衣見說用兵機貴密敢云扼險計全非恠他幕府偏  
無事閒寫劉娘玉貌肥消息傳來總未眞眉梢憂喜禪頻  
頻挺身赴國今何日藉口和戎古有人風鶴警猶傳粵海  
水犀軍合復天津寶刀不飲樓蘭血多少英雄願未伸讀  
史有感云血洗舟山浪作堆羽書又報海南來英雄效死  
偏無地上相籌邊別有才竟爾和戎會地割是誰揖盜又  
門開從今敢笑陳濤敗房琯猶曾戰一回虞機斗發地雷

鳴竟有潛師夜斫營。挺戟行間來孝子。拔刀嶺上出殘兵。  
白衣殺賊聞尤罕。青簡論功忌尙生。議戰議和紛不定。岳  
韓忠勇竟何成。海風橫捲礮臺腥。鼓角荒涼不可聽。狂寇  
稱兵猶跋扈。平章謀國是調停。戎韜誰解鴛鴦陣。相業難  
憑蟋蟀經。不信籌機諸大老。金人還守廟中銘。一春聞雨  
又聞風。蠶麥鶯花半已空。競見奇兵談紙上也。應枯瘠念  
溝中民。窮可但能爲盜俗。裕由來易教忠。記得林霆嘗撫  
部。焚香深夜祝蒼穹。咏史云傳車百道走雷霆。上將威儀  
古衛青。萬帳已看屯虎豹。一碑何不仆螭蛉。白虹氣亘南  
天雨。赤雁光騰北府星。咫尺海濱誰可問。牙旗閒捲浪花  
腥。了了機心在一枰。爛柯人奈眼雙盲。枕邊美妾呼松壽。  
閩外殘軍亂角聲。當世有誰嫺將畧。諸公自合享承平。只



射鷹樓詩話

卷一

七

愁慾海填難滿未必黃金勢可行紙上葫蘆豈足憑相公

覆轍急須懲一編傳合裁關索

滇南有關索嶺碑誌爲前將軍之子

五道兵

偏悞李陵玉壘荒涼畱斷鏃瓊筵歌舞又春鐙那堪更話

西征烈望裏殘楊眼倦凝斷無邊畔啟崇朝二十年來養

有苗萬姓脂膏由土化百官氣骨爲金銷閉關未易逢朱

鷺開府相傳是李貓從此日南流旣水紅棉花拂陣雲飄

漆城何待寇來攻囊括先愁百貨空差喜齊桓猶不謫可

憐楊業竟無終萬言建策惟輸幣一笑扶桑待挂弓此日

從軍殊不惡桃花開徧戰場紅冰山六月橐駝僵入夢先

驚道路長一輩貪天懷有壁十年藩鎮出無糧江東設醮

酬蘇軾海上投兵哭李綱竿下金雞原不遠只愁憂國鬢

先蒼玉帳香籠翠初溫胡姬淺笑奉金樽趙佗久已窺南

粵杞子偏教管北門一遂梅花春信漏四山刁斗哭聲吞  
可憐余闕常祠廟末代何因有此孫突聞袒臂市中呼竟  
有人才在狗屠一劍自磨生血性萬金不換死頭顱勁弓  
已分摧殘羽契箭偏聞貸醜奴似此兵機吾不解挑燈重  
與讀陰符議和議戰究誰差聒耳官私兩部蛙閉戶豈能  
摧寇燄揭竿尤恐起羣譁衣冠皆盜斯奇變科目無人況  
世家見說張皇須坐鎮未妨宰相似棉花玉石終須一炬  
焚瓊州露布幾時聞快心共讀陳琳檄盡甲俄驚秀實軍  
白馬清流喚此輩黃龍痛飲待諸君普天自切同仇義羞  
說麒麟閣上勛詔旨重聞撻伐申萬方觀聽一時新古來  
將相原無種天下英雄自有真反正急須從海甸歸邪昨  
已驗星辰沈兵願及呼嵩節齊傍紅雲祝聖人

射鷹樓詩話

卷一

六

映國禁食鴉片煙獨能流毒其物於內地映國禁奉天主教  
獨能廣傳其教於中華此存心慘毒真堪切齒延平曾雨  
蒼孝廉世霖詩云黠哉映咭喇變幻似狐鼠洋煙毒中國  
生靈付一炬此詩可謂沈痛

射鷹樓詩話卷一終

男慶惇

射鷹樓詩話卷二

侯官林昌彝惠常輯

海口不靖以來定海甯波婦女被毒最慘有帶至鬼國者有  
鬻與他人者有肆淫後投之於水者有送與漢奸者陳少  
香先生詩所以有紅粉千行航海去白旛一片上城來之  
句然各海口官兵之害猶之逆夷余友孫芝房太史官兵  
行云北風蕭蕭腥滿衢廣州城中人迹無家家閉戶如避  
逋官兵橫行來叫呼官兵殺人食人肉挺刃莫敢相枝梧  
短傾窄袖大布襦三三五五徧里閭宰割雞犬牛羊豬突  
入酒肆懸雙弧搜索盆盎及罌孟飲食醉飽惟所須八十  
老翁泣路隅去年夷人到番禺十家五家被賊俘今年官  
兵望討賊賊未及討民被屠彼賊殺人兵得誅官兵殺人

胡爲乎黃昏吹角聲鳴鳴轅門半掩人吏疎雙雙銀燭紅  
璣璣大將夜坐治軍書老翁欲歸無室廬夜半却立長歛  
歎

建甯張亨甫孝廉際亮天才俊逸騰驤變化雄視一代其於  
詩刻意爲之而性情氣格兩兩俱勝已刊詩有松寥山人  
集婁光堂集南來草翠微亭藁諸集陳恭甫先生謂其七  
言古詩高青邱後罕有其匹誠確論也同里謝退谷先生  
贈詩有素心幸猶在千秋以爲期之句辛丑夏亨甫招飲  
道山江城如畫樓與余多所唱和嘗問余曰吾詩視陸渭  
南何如可與並傳否余曰君詩五七律勝於渭南但渭南  
五七古所以絕勝者固由忠義之氣盤鬱於心耳以足下  
之才充其所學亦渭南一勁敵也亨甫嘆服亨甫畱心世

務蒿目瘡痍其浴日亭詩云青山到滄海高下皆烟痕極

天積水霧浩浩暗虎門東南地勢盡平見扶桑根夜來魚

龍背三匝金烏翻道人自高卧紅光滿江邨客游但嘆息

西顧斜景奔驚波盪返照奇氣若可吞悵然萬古士擾攘

同朝昏誰能九州外更討百谷源飄風滿樓櫓遠近夷船

繁蒼銅與黑鐵夷船皆以銅包其底兩傍列鐵墩八十餘尊皆重千餘觔驕奪天吳魂

側聞濠鏡澳盤踞如塞垣毒土換黃金千萬去中原夷人以鴉

片土易中國銀歲稅復幾何容此醜類尊海關歲征稅不

歲至三千萬日夷人尤桀黠督海關者轉多方庇護之謂非如是狡狼

鬼國恣內地徇夷人曰鬼子陷溺生民冤海若何不靈惡浪失簸掀

鯨鯢有齒牙不嚙羣鬼跟嶺蠻昔反背請看銅鼓存海神廟有

銅鼓言系漢馬伏波征蠻所遺如何任煽誘不思固籬藩蚩蚩岸居氓頓

汝長子孫嗟余好長劍利截蛟鼉鼉之無所用欲擲洪  
濤渾馳暉去不返身世空憂煩摩挲韓蘇碑難起逝者論  
按此詩作於道光十二年以前時英逆尙未中變亨甫可  
謂深謀遠慮識在機先者矣

天主教開禁而後各海口設立教堂每七日一膜拜誘掖愚

民福州南城外去城不及一里設立天主教堂男女蠅集

八千餘人其所祀之天主曰耶穌按澳門紀畧曰澳中凡

被難圖飛昇圖其說以耶穌行教至一國國人裸而縛之

於十字架釘其首及四肢三日懸還本國越四十日而上

昇年三十有三故奉教者必其教頭多西洋人爲之亦有

奉十字架每七日一禮拜中國人爲之行其教者爲花旗國即其書荒唐紕謬近

刻十條誠注妄詆孔孟直爲狂吠其堂峻宇雕牆窮奢極  
侈男女溷雜至不可問癡民多爲所惑爲救貧計耳不知

稍有人心者豈肯斬其宗祀淫及妻子乎道光二十五年  
英逆和議而後廣東總督耆英奏請佛蘭西國夷呈請天  
主教勸人爲善非邪教請弛漢人習天主教之禁奏交部  
議准海口立天主堂華人入教者聽之惟不許奸誘婦女  
誑騙病人眼睛違者仍治罪查西洋之天主教不可知若  
中國之天主教則方其入教也有吞受藥丸領銀三次之  
事有掃除祖先之事其同教有男女共宿一堂之事其病  
終有本師來取目睛之事其銀每次給百三十兩爲貿易  
貲本虧折則復領凡領三次則不復給贖之終身此見於  
奏摺之大畧也近今之人入教者給銀已減少十之七八惟  
毀絕祖宗姦淫妻女則如故耳澳門紀畧曰日本國禁天  
主教嚴其海口葛羅巴馬頭石鑿十字架於路口武士露



又夾路立商其國者必踐十字路入如回避者立斬之又  
捏耶穌石像於城闕以踏踐之故西洋夷船不敢往商其  
國據此日本國尙能嚴禁邪教豈堂堂中華恬不爲怪乎  
聖人在上誅其目散其黨火其書燬其居驅之海外勿  
使穢污中國之士可也閩縣周生瀛遲余內弟也嘗從余  
習舉子業有感詩云太息耶穌妄說天毀儒訕佛謗神仙  
闢教耶無書名世無原道昌黎子誰挽狂瀾障百川誣民邪說其  
烏烟流毒閩疆亦有年可怪吾鄉林教授謬將闢妄序長  
編吾閩林其英學博刊耶穌闢教臺江七日教堂前白鬼  
闢妄等書而爲之序眞妄人也紅毛禮拜虔蠢蠢小民紛聽講祇緣賺得杖頭錢  
七日一說耶穌教村民來聽受者以百文與之  
夷人設教堂每

逆夷不靖以來竄入五海口遂窺臺灣適桐城姚石甫觀察

瑩兵備臺灣獲夷舟一隻及夷鬼二百餘人置之法天下  
快之及和議既成夷人詭稱久服威德請公一會於夷舟  
中觀察無懼色慨然單舸往語氣雄直責以大義夷人辭  
屈乃暢飲歸余友臨桂朱伯韓侍御九月朔日集萬柳堂  
宴姚石甫丈云癸卯月在酉姚侯自獄出天斷信明聖  
忠憤得少泄湯子亟置酒時主人乃湯海秋先生簪紱萃賢傑潭潭  
萬柳堂益都峙屹兀荒寒餘古意驚飈蕩白日酒半競問  
公守臺何施設夷舟作何狀攻戰復何術公笑謂衆賓茲  
役那忍說獨有巡臺時一事差快絕夷船大創去四戰皆  
告捷虜首翻獻誠通事來請謁聲言誓天威願一仰麾鉞  
公獨往撫之單舸覘窟穴杪秋蜃氣肅海面如鏡澈清風  
送歌嘯杉板坐長筏番童搖雙槳容色白勝雪約畧十數

輩歛手拊起訖使君請出看我舟殊詭譎蛟龍製大蠶五色下雌蜺青紅搖海市幻出金銀闕鵠首盡東向鼙鼓有行列六爆轟雷車怒潮中吼裂公問此何爲番目語訖訖謂此小夷禮微誠幸得達國主千萬壽或有大慶悅每船張百旗金碧爛磨憂下此禮稍殺幢幡未可將君侯威德盛義當備儀節行行已逼近歡聲沸蛟窟登船皆聳觀兩邊列刀戟鬼奴以次上免冠掠毛髮鋪牀紫氍毹貼錦紅鞞鞬咬嚼羅珍異華筵促密室龍鮮味肥美亦有鵝與鰈老將頭虎毛巨口恣啖啜一會捧頰盤乾腊醖以醉云是本國味鸞刀親縷切酒酣縱鞠塲銅鞮助鳴咽落日送歸帆笳鼓轉蕭瑟海若格誠信柔遠奠漠渤豈獨憚國威道力何勇決在昔郭汾陽免胄示回紇古今事則殊忠義迺

一轍去冬公被逮朝議紛鼎沸袖中萬言書誓欲公喚舌

既思天聽卑公論不久屈果然脫羅網覆盆照湮鬱陳湯

寃不訟周勃口終訥將才出老儒吾輩見管葛異時任釣

軸醜虜豈足滅惜哉羅讞構恐遂老耕垓平子方卧病序

甫說尹痛至骨我亦江海人一腔積熱血昨朝喜見公爲

我話端末汝翁吾舊識意度蘊恢闊黎陽捍孤城殺賊事

最烈汝今世其家規矩就前哲錚錚勵言職尤當慎所發

座中數君子神采煥厚豁聞有東槎集兵事頗囊括文章

亦公器瑕垢同盪挾霜高風色厲簷鋒憂金鐵驅車徑歸

去疎櫺上寒月展卷誦公詩歎息復屢輟夜深不能卧肝

膽蟠峯碑洶濤疑在耳奇境恐暫失他日告史官茲事載

直筆按此詩與感事及王剛節公家傳書後諸篇如長江

大河魚龍百變足以雄視古今少陵北征及自京赴奉天  
縣詠懷而外少與比肩其規矩法度雖以杜家長鑣不能  
攻其一字也

苟利國家生死以豈因禍福避趨之此家文忠公少穆宮  
傅壬寅赴戍登程口占示家人句也蓋文忠公矢志公忠  
乃心王室故二句詩常不去口聞其督師粵西易簣前  
數日猶將原稿手自訂定其仲嗣隨行綴入赴告中文忠  
公臨行時嘗持出戍詩一卷付余因得錄其全首云出門  
一笑莫心哀浩蕩襟懷到處開時事難從無過立達官亦  
自有生來風濤回首空三島塵壤從頭數九垓休信兒童  
輕薄語嗤他越老送燈臺力微任重久神疲再竭衰庸定  
不支苟利國家生死以豈因禍福避趨之謫居正是

君恩厚養拙剛於成卒宜戲與山妻談故事試吟斷送考  
頭皮宋真宗閣隱者楊朴能詩召對問此來有人作詩送卿否對曰臣妻有一首云更休落魄魄航杯酒且莫猖狂愛詠詩今日捉將官裏去此固斷送老頭皮土大笑放還山東坡赴詔獄妻送出門皆哭坡願謂日子獨不能如楊處士妻作一首詩送我乎妻子失笑坡乃出二詩婉而多風怨而不怒可稱風雅

道光十九年家文忠公以欽差大臣辦理粵東夷務焚洋煙二萬零八百八十三箱此十九年三月事也至次年四月夷人中變以部議絕其海口通商也與焚煙事實不相侔讀文忠公奏摺便知至議和既定海口通商夷人闖入福州省垣重地盤據烏石山此則守土者之責也余家住省垣去烏石山不過里許所憾手無斧柯惟有痛哭流涕長太息而已余友魏默深秋興詩云瓠子秋風又屢驚從

一來水旱繼刀爭厝薪誰暇榷薪計金穴甯防蟻穴傾亢角  
氣纏河鼓壯欃槍光伴大梁明功成賈魯偏歸罪遑說銀  
潢洗甲兵谷敗陵頽逆若潮懷襄以後未今朝五行水氣  
乘金氣四瀆南條變北條縱緩汴城魚鼈禍誰回澤洞鯉  
鼃驕下游彌閼隄彌長十載前聞曲突焦大漏卮兼小漏  
卮宣防市舶兩傾脂每逢籌運憂邊日正是攘琛肱費時  
海若蛟宮奔貝族河宗寶藏積馮夷莫言象數精華匱卦  
氣爻神屬朶頤小草豈希橫草候買山爭作出山謀春風  
卜式輸羊稅秋雨文園典鶴裘弓玉不懲陽虎竊車金空  
等茂陵求當年文景捐租日府海官山尙不收海外天驕  
聞塞垆本殊內盜起門庭那寬節鉞輿口罰翻重花封小  
吏刑禦虜秋山乘一障守邊馬邑責孤亭法行近貴前朝

賞墨烹阿仰赫霆節用勤民三代符如何士氣卻凋蕪浪  
言武備承平弛試問文才振鐸無山澤雲雷徵蜴螭關河  
霜雪辨駑駒不經盤錯誰知器休待臨淵始覓壺

番禺張南山太守

維屏

著松聲詩畧

道光壬午進士

其詩從聽松廬

集中摘十之二三分爲十集番禺劉藻林彬華嶺南羣雅

稱太守詩出入漢魏唐宋諸大家取材富而醞釀深氣體  
則伉爽高華味致則沈鬱頓挫余謂太守詩清新婉麗體  
物瀏亮如海底木難斑駁眩目粵東有人從海舶歸言米  
利堅國人有識中國字者見扇頭有太守所書詩欣然誦  
之且與扇示其友曰此張南山也米利堅爲海外極遠之  
國而其國人聞太守之名誦太守之詩此與唐時雞林國  
人誦白香山詩同爲藝林佳話太守粵人目擊英逆之變



怒然有憂故三元里及三將軍歌越臺江海書憤諸詩有  
據鞍顧盼之概三元里云三元里前聲若雷千衆萬衆同  
時來因義生憤憤生勇鄉民合力強徒摧家室田廬須保  
衛不待鼓聲羣作氣婦女齊心亦健兒犁鋤在手皆兵器  
鄉分遠近旗斑爛什隊百隊沿溪山衆夷相視忽變色黑  
旗死仗難生還夷打死仗則用黑旗適有執神廟夷兵所  
恃惟鎗礮人心合處天心到晴空驟雨忽傾盆兇夷無所  
施其暴豈特火器無所施夷足不慣行滑泥下者田塍苦  
躑躅高者岡阜愁顛擠中有夷酋貌尤醜象皮作甲裹身  
厚一戈已搯長狄喉十日猶懸郅支首紛然欲遁無雙翅  
殲厥渠魁眞易事不解何由巨網開枯魚竟得攸然逝魏  
絳和戎且解憂風人慷慨賦同仇如何全盛金甌日却類

金縢歲幣謀三將軍歌云

三將軍者陳公聯陞陳公化成葛公雲飛也道光庚子辛丑壬

寅三公皆以禦夷

力戰破於陣

三將軍一姓葛兩姓陳

捐軀報國皆忠臣英夷犯粵寇氛惡將軍奉檄守沙角奮  
前擊賊賊稍卻公奮無如兵力弱兇徒蠡擁向公撲短兵  
相接亂刀落亂刀斫公肢體分公體雖分神則完公子救  
父死陣前父子兩世忠孝全陳將軍有賢子葛將軍有賢  
母子隨父死不顧身母聞子死數點首夷犯定海公守城  
手轟巨礮燒夷兵夷兵入城公步戰鎗洞公胸刀劈面一  
目劈去鬪愈健面血淋漓賊驚歎夜深雨止殘月明見公  
一目猶怒瞪尸如鐵立僵不倒負公尸歸有徐保陳將軍  
福建人自少追隨李忠毅長庚身經百戰忘辛勤英夷犯  
上海公守西礮臺以礮擊夷兵夷兵多傷摧公方血戰至

日旰東礮臺兵忽奔散公勢旣孤賊愈悍公口噴血身殉  
難十日得尸色不變千秋祠廟吳人建我聞人言爲此詩  
言非一人同一辭死夷事者不止此闕所不知詩亦史承  
平武備皆具文勇怯真僞臨陣分天生忠勇超人羣將才  
孰謂今無人嗚呼將才孰謂今無人君不見二陳一葛三  
將軍越臺云往者蠻夷長依然中國人背秦聊號帝朝漢  
自稱臣詎意重洋水能生內地塵越臺烽火息回首一酸  
辛茗薺千甌水芙蓉萬管煙利都緣口腹害遂徹中邊烹  
淪泉兼品吹噓火自煎兩般問草木生殺竟操權

昔王若虛評白樂天詩情致曲盡隨物賦形所在充滿殆與  
元氣相伴至長韻大篇及樂府動數百千言語語順適中  
含諷勸是古詩人和平中正之響余友善化孫芝舫

鼎臣

太史詩

乙巳翰林

逸秀雄深宏亮高雋不必與香山同調要其

和平之旨沁人肝脾又多諷勸之辭可謂異曲同工矣

乙巳余寓京師宣武坊朱伯韓侍御宅與太史寓宅密邇  
太史來訪余數數過從或暢談竟夕太史氣度嫺雅望之  
如晉魏間人尤工駢四儷六文其送張蔗泉游金陵序一  
篇囊括金陵歷朝掌故傷今弔古視庾子山哀江南賦不  
是過也是秋余將南旋瀕行太史成長篇並開元占經相  
贈依依話別情懷懇摯太史蘊抱宏深有身世之感其君  
不見四首云甯波城中夜叫烏紹興城中晝見狐家家逃  
兵挈妻孥紛紛涕泣滿路隅病者委棄無人扶十隊五隊  
來姑蘇姑蘇今年復大水田中高低長蘆葦君不見蘇州  
民一斗米值錢千文大營前後兵八千屹立不動堅如山

軍中無事相往還蛇矛左右一百盤引弓卻射雙鳴鳥歸  
來夜傍刁斗眠夷人麾兵出復沒東庄西庄日流血君不  
見定海城日夜涕泣望官兵大船義義泊津口小船營營  
匝前後船中健兒好身手白布裹腰紅帔首船人登岸時  
八九居民滿城走如狗開府危坐論堂皇犒以酒食分兩  
旁君不見天津市連日官人買羊豕北風蕭蕭殺氣橫番  
禺城頭日演兵戈矛鉅利鎧甲明沿海百里舟爲營壯士  
踴躍誓不生意欲殺賊爭先鳴樓船夜月滄海曲夷人歌  
舞粵人哭君不見制府林單騎北走行駸駸太史已西典  
試黔中讀其路中所爲詩直入浣花翁之室其自玉屏至  
龍里雜詩云路出烏蠻外人來烏道邊疎林藏邑小高屋  
倚崖懸石點秋花碎溪垂野橘圓炎方今問俗匹馬過秋

天無水東南折，牂柯路曲通灘高千嶂。雨樹斷兩崖風水，  
宿漁舟靜朝光。戍火空臨江，牽百丈長嘯滿雲中。磴仄循  
山轉，波寒下瀨沈。高崖秋自響，空谷晝多陰。猿挂溪藤古，  
虺蟠伏莽深。南來逢驛使，愁說路岷嶽。自置奢香驛，全開  
濟火疆。銀花蠻女豔，銅鼓仲家藏。入市多青箬，從戎號紫  
薑。侏僑今漸改，橫舍有冠裳。積阻滇雲接，僑居邕管兼。閒  
山九溪險，出地萬峯尖。鼓角懸礪峻，風煙入箬嚴。清時作  
邊吏，未可忘韜鈴。白露過秋節，殊鄉信未憑。嵐雲含樹漲，  
谷口抱川蒸。測晷移寒暑，迷方倦寢興。行滕隨藥裏，益覺  
旅愁增。人物志蒼舊，風流今尚新。黔中秦地古，徼外蜀山  
春。奉使來莊躋，談經憶尹珍。龍場仍俎豆，此道有傳薪。

螺洲詩草八卷余友監利王子壽比部

柏心

箸

道光二十四年進士今官

主事部比部詩音節高壯格律渾雄平揖荔裳可無愧色詩境如岱華雲開天地秋色不知胸中吞幾許雲夢也集中諸體皆工余尤愛其五七言律其高者直摩杜壘次亦不落錢劉而下可以獨出冠時昔劉公誠論七言律詩如開強弓勁弩古今開到十分滿者代無數人若比部七律能開到十分滿矣余生平論詩不意於葉潤臣朱伯韓魏默深而外復逢畏友比部自題其詩集云少時喜觀獻吉仲默詩常以氣格聲韻爲主高才之士咸笑其拘才分所限終不敢離而去之余謂比部詩其出於何李者其詩之氣格也其勝於何李者則其詩之性情也朱伯韓謂其詩藹然忠孝之旨爲詩人之傑不獨與李何竝驅信哉甲辰春仲余始識比部於湯海秋農部席間乙巳遂定交焉比部

篤內行重風節與朋友處久而彌摯今冬將歸螺洲作螺  
洲曲以見志林下養親讀書真足樂也比部具命世之才  
畱心經濟著有樞言一書及三江水道攷所爲詩多懷抱  
當世憂患聞侯官林公謫伊犁云萬里伊吾北孤臣鬢已  
霜奏書無耿育持節少馮唐曲突謀猶在高墉射易傷鼓  
擊思將帥終望埽櫬棺竝海云竝海瞻妖孛當秋落將星  
頻干天震怒不念國威靈秦望烽烟斷句章戰血腥投  
醪多壯士慷慨靖鯢溟巨海云漢遣樓船日殷歌撻伐辰  
旌旗連巨海斧鉞授宗臣多壘猶相望奇兵自若神豈無  
謝安石談笑靖煙塵聞金陵戒嚴云潤州無一戰建業有  
長圍寇敢輕深入謀宜擊情歸金陵龍虎氣玉帳烏蛇威  
急起江淮卒憑城早決機敗竄千軍紀芻糧梗賊衝議輕



中執法計絀大司農扞網多狂兇探丸若聚蠭徐邳聞更  
決何策撫流庸白徒毆市價同惡起相求飛炬燔京口揚  
帆指石頭山川非不壯將帥太無謀卽墨區區地猶能縱  
火牛乍報逃單騎旋聞餽百牢虛聲甘恫喝重賂罄脂膏  
候火鍾山斷華筵幕府高蒼皇惟餌敵無乃媿戎韜函谷  
關云雄關高倚萬峯開百二東臨實壯哉耕戰勢吞冠帶  
國河山天助霸王才星隨傳舍雞聲落雲逐真人龍氣來  
千載秦亡誰更惜逡巡六國有餘哀春興六首和蕉泉云  
郢門芳序太蹉跎不見鈿車陌上過風雪三春花樹少海  
天萬里戰雲多經生推驗明災異詞客憂時罷嘯歌南望  
越臺兵未解誰持一劍靖鯨波重鎮徒聞節鉞懸如何鼙  
鼓動經年窮漠亦是天王地橫海非無漢將船遂使蜺

沙驕小醜可能戡。炬徹重淵島夷來。往仍鳴鏑猶道飛書。  
用魯連潮頭翻動。戴山鼇倏見天吳。跋浪豪露布。何曾三  
捷至宵衣。無乃九重勞樓臺。蜃氣當春。脂燧火。羊城入  
夜高。太息國殤終不返。鬼雄魂魄葬波濤。文昌上將出天  
關。銅虎新從殿上頒。盡發千帆浮鷁首。先憑一戰慰  
龍顏。蘂街應戮蠻夷邸。京觀高封島與間。南國轉輸連歲  
月。滄江日望凱歌還。番禺城上有鳴笳。壯士從征不憶家。  
旗幟青搖營外柳。烽煙紅入海邊花。餘皇鬪舸連雲盛。組  
練軍容照水華。赤子瘡痍今不少。早銷金甲事桑麻。颯颯  
寒風動地來。楚天雲氣壓章臺。非時雨雹何爲至。積潦田  
園更可哀。殄寇自宜方召畧。貴農深望管蕭才。妖氛卽睹  
欃槍掃。黃道晴光六合開。海市曲云漢家表餌有奇勛。談

笑眞看靖戰氛島興千帆張海市樓船五道罷將軍紛紛  
鯢壑慕華風罄地窮天九譯通番婦縱酺鈴閣下豪酋飛  
蓋節樓中牛羊餽餽盛山邱終日錢刀地上流胡賈攜家  
成子姓萬年中國是神州百寶龍宮駭不如番奴列貨邸  
中居高臺大築祆神寺奇籍先求上國書市樓椎結遍紅  
毛駱驛占風海上艘間殺防邊諸將士日中猶看蜃樓高  
犒贈金繒歲歲殫居民垂涕遠夷歡上書卜式眞男子緩  
急持錢佐縣官中宵泉客自吞聲戎莽誰虞肘腋生結贊  
曾聞欺馬燧平涼猶受吐蕃盟

家文忠公歷官兩江兩湖兩廣兩淮河東陝甘雲貴皆有善  
政所在民悅所去民思道光三十年自雲貴總督引疾旋  
閩同人贈言惜別途中賦詩答之云恩叨再造愧兼圻敢

道抽簪學息機壯志不隨華髮改孱軀偏與素心違霜侵

病樹憐秋葉風勁邊城澹夕暉重鎮豈宜容卧理乞身淚

滿老臣衣五華山接點蒼秋卅載鴻泥兩度畱昔喜龍門

騰士氣

謂已卯典試事

今勞虎旅破邊愁

謂迤西督師事

濟艱幸仗同舟

力定遠還資曲突謀莫待征西烽火息從來未雨合綢繆

此邦父老共忘形高會曾誇六百齡

今春與晴峯同年邀滇中耆舊修禊會者

八人合六

百有二歲贈句韻聯新舊雨臨歧踵接短長亭鑄金敢聽

爐香奉

省垣為余設香火已力阻之

勒石休磨盾墨銘

迤西構碑

但祝

彩雲常現處文昌星映老人星黃花時節別苴蘭為感興

情忍涕難程緩不勞催馬足裘輕未肯累豬肝膏育或起

生猶幸寵辱皆忘卧亦安獨有桐瘰仍在抱憂時長結寸

心丹宜黃陳少香師書少穆先生畱別滇中同人詩後云

公忠身許濟時艱引疾歸來忍置閒天下安危韓魏國蒼

生霖雨謝東山籌邊策合馳重譯諭蜀文曾定八蠻

前年定滇

最是碧雞坊外路臨歧猶軫念桐瘰召棠邨黍衆情欽

小范文章蔚翰林

謂長嗣君

調鼎功宜虛左待匡時才豈異人

任入山猿鶴煙蘿古跋浪鯨鯢瘴海深莫便草堂開綠野

徵車早慰九重心

時被召再起

家文忠公絕句神韻獨秀其在戍所題畫山水爲布子謙將

軍作云淡烟籠水綠楊灣雨後青浮隔岸山樹底誰家結

茅屋得魚沽酒掉船還疎林黃葉露山村曲磴蒼苔印屐

痕欲訪種松高士宅碧雲深處不知門松風謾謾溜泠泠

細草微黃老樹青尋到斷崖泉落處有人石上倚雲聽薄

海遮山石徑荒園林昨夜半凝霜憑闌愛看丹楓豔小閣

捲簾畱夕陽

古微堂詩鈔五卷湖南邵陽魏默深司馬

源箸默深字墨生兩中謝榜王

午利以

南元舉於鄉官內閣中書甲辰成進士今官海州知州今上登極大府及近臣連章薦舉旋以直隸州用

默深經術湛深讀書淵博精於國朝掌故海內利病瞭如指掌著有書古微詩古微春秋公羊微專闡西漢今文

之學博而能精聖武記及海國圖志尤爲有用之書誠

經國之大業不朽之盛事也所編經世文編已家有其書

又有元史新編古微堂文集阜然鉅冊默深所爲詩文皆

有裨益經濟關繫連會視世之章繪句藻者相去遠矣詩

筆雄浩奔軼而復堅蒼遒直入唐賢之室近代與顧亭

林爲近雖粗服亂頭不加修飾而氣韻天然非時髦所能

躡步也道州何子貞師謂默深詩如雷電倏忽金石爭鳴

寸書長詩五

包孕時感揮灑萬有少作已奇壯更蹠實誠爲切論默深  
尙友誼重氣節醅粹淵懿古道照人與余爲摯友憑膽披  
肝今之鮑叔也兼精內典嘗與余論金液大還火符之秘  
五芽三一之文叅同道德之旨無不宛合余公車北上每  
過揚州相訪必畱連信宿厚惠道里費默深論詩喜吾閩  
漳浦黃石齋及昆山顧亭林余謂默深詩奇處似石齋厚  
處又似亭林也今採其詩之尤者若干首齋居雜興云風  
高林影定夜氣生空涼燈滅月在牖虛白明洞房披衣坐  
復行仰視天宇翔蛩急樹根響螢流荷露香羣動何有始  
列宿何有芒每念生滅由精微莫能詳窮年事糟粕誰極  
無偶鄉樂哉空山空愁哉長夜長縹緲雲中君天際無處  
所人寰去萬仞安敢壓塵上今我顧何爲獨立向天宇潔

身人海中不與萬物伍夜聞河漢聲迴環斗杓數感此大  
化奔懼爲造物腐罡風裂大地劫火炎崑圃不見古人今  
但見今人古誰能友箕尾出入鴻濛戶林鳥同我起初日  
生蒼涼空濛山氣中羣動興不遑隣農念東疇桔槔已在  
場斷橋隔流水時見人褰裳萬物各汲汲吾主亦皇皇心  
空妙萬微室虛止衆祥載詠宵雅三明發懷就將日盡四  
野白餘暉在山頂流水如有情徘徊上襟領野服欺松風  
幽尋自人境是時月未上萬象互光景危雲天際峯斜霓  
天南影天高人獨立溪急野逾靜泳鱗空水明歸翼涼烟  
引詠歸謝童冠意行無遠近金風老黃雲萬頃香霏灑下  
有穉耜聲上有雁來儀生成共枯槁元成塞天涯明農賦  
豳風斧斨不得歸尼山鄙稼圃又逢耰耦譏二古頗難辨



趨舍一何歧行詢荷蓀翁遙指邨烟微植杖不我語月上  
扶桑西嘉陵江中云遙岑斷烟去近岸風榛寂人行孤光  
內魚鳥盡深碧天留清曠暉娛此漂蕩客棹隨雲溯回夢  
與波崩積空明引悟深羣動涵幽蹟絕碧入高雲何人鑿  
崖石毋乃遁世士遺此太古壁欲往從之遊石徑絕行迹  
夜半夜船鐘響從蒼崖來嘹亮清似水蕭條去何遲疑墮  
碧澗底復挂寒松枝一隨流水去到海何時歸須曉空峽  
哀雁度長天悲歲晚滄洲裏空驚清夜馳夕與夕烟宿晨  
共晨風發艣聲搖斷夢榜人語殘月樓禽淺崖起宿霧前  
山台遂令一葦水淼若彭蠡濶方從中流轉忽與孤巖絕  
稍稍辨岸樹離離出江日思歸曷忘歸江霞殫幽客出峽  
詞二首其一云西行入劍門有石無天地山川至巴蜀天

地皆壁厲東行下巫峽有靈無日月巴蜀非山川天地原  
仄偏去路卽來路前舟遲後舟千曲客寸直萬剛逃一柔  
每逢呀闔際惟恐兩崖開更緬開闢初斧鑿傷元氣巨靈  
劃劈處慘澹神斧痕其下雷回回其上雲魂魂峽猿且勿  
嘯峽樹且勿伐君詢巴峽天但聽巴歛闕其二云峽內險  
在山峽外險在灘上灘如上山下灘如下山巖屢萬蛟鼉  
來游呂梁瀑何故乾坤內造此塊壘物日夜千萬年雷與  
石爭觸出石入石水入水出水舟雨聲許許間天地怒相  
求回顧崕岬內始脫鯨吞憂江行恆患風峽行恆患石止  
水惟苦遲下水惟苦疾人生萬事內如意安可必如意不  
可必得意其可恃上水君勿愁下水君勿喜下第過阿縣  
題壁云出都一旬不見山今朝山色何孱顏岱宗支隴所

盡處車馬如度井陘關霸王虞姬在此問虎豹不敢號空  
山杜默江東來痛哭魯戈不挽斜陽還當爐酒雖解挾瑟  
日厭泰山壓門側聞客江南山最青載儂往看吳山色江  
舟聽雨吟云夢中一夜樵樓鼓盡是醒時打篷雨鼓中如  
報金台圍號令森嚴刁斗齊小鬟濃睡叫不醒花院落子  
聞爭碁不知舟入水鳥夢又認何聲互相開起坐寒燈白  
無語惟有岸蘆涼響起前聲前境盡茫然天冥地寂江帆  
重莫言醒境卽皆同世間耳畔馬牛風田翁聞雨起飯犢  
畫樓聞雨怨操桐隣叟灌花風雨惡又愁一夕園花落何  
處老禪無夢醒有聲無聲一例聽疾霆翻江濤立海寂寞  
聞根長自在冬夜云嗒然無一物惟有暮天橫微月不生  
夜衆星相向明沉沉移遠籟冉冉偈寒清鴛瓦萬霜立深

知有夢成過洞庭云積水何年始茫然萬極侵縱浮吳  
沒難盡屈原心鴻雁去復去江湖深更深倘能軒樂契  
在水龍吟秋風吹木蘭秋色老霜柑瞥眼君山失吞胸夢  
澤涵風濤酣視聽天地缺東南自契蒙莊後全休屈賈談  
潼關云曉日潼關啓雲胸跌蕩開千秋河嶽色如挾漢唐  
來馬帶中原雨車驅萬壑雷何須論德險興廢一莓苔絮  
園云幽院月當心花深燈影深月斜水邊檻照見花間禽  
此際無言客眠桐不鼓琴宵分微雨落滴翠尙成陰江行  
襍詩云試登大別觀荆鄂何似君山俯洞庭如束估帆三  
楚至無窮征雁六朝聽大江東去風月白春色南來天地  
青何事悲歌更懷古乾坤浩氣是吾形彭蠡湖濱十日風  
石尤逆浪擁孤篷雲開廬嶽橫天出日落孤山元氣中留

滯每思千嶂陟地形回憶六朝雄九江禹貢譚經訟試向  
潯陽訪異同秦中雜感云宅京隴首俯山東軍食經營今  
昔同漕運汴渠通渭上高兵天下半關中白渠畚插千壑  
雨青海葡萄萬馬風誰使富強歸霸佐蕭何詎讓叔孫通  
關西出將倍關東趙岳張王世典戎草木盡含邊色勁詩  
書猶帶夏聲雄雲生太華從龍氣水合黃河鐵騎風要剗  
六朝金粉習莫將江左易崢嶸國初趙良棟岳鍾璠王進寶張勇皆秦人一片  
渭濱周漢遺鷹揚虎視使人悲興王時雨三軍律上將妖  
星半夜旗天地有時龍變化英雄無運鹿奔馳文章更在  
經綸後落日柯亭弔所思已驚函谷壓成皋又見褒斜軼  
虎牢南下星辰當夜大西來地勢逐山高霜深鉅壑龍蛇  
蟄秋老長林虎豹豪誰道窮年邊塞地儒冠劍佩似征袍

近得粵東溫伊初孝廉傳斷洋煙方百試百驗費省而效速  
真神方也用羊血半碗蜜糖四兩同調蒸熟每早服之至  
半月後見煙卽畏則革矣侯官吳壽仙布衣 鐸嶺 著荔紅  
館詩稿中有戒洋煙詩語極沈痛詩云斷癮多方亦切求  
聞香其奈口涎流一燈不悟焚身禍煎盡精神死便休此  
詩爲返魂香此藥爲不死草也

家文忠公論成伊黎蒲城相國文恪公以死諫殲殪時懷中  
有遺摺數千言力保文忠公具論主和議大非至計其嗣  
君匿其摺不敢上天下憾之文忠公哭故相國王文恪公  
詩云纔錫元圭告禹功公歸遵渚詠飛鴻休休豈屑爭他  
技蹇蹇俄驚失匪躬下馬有墳悲董相隻雞無路奠橋公  
傷心知已千行淚灑向平沙大幕風甘載樞機贊畫深獨

悲時事涕難禁艱屯誰是舟同濟獻替其如哭不黔衛史  
遺言成永憾晉卿所死豈初心黃扉聞道猶虛席一鑑云  
亡未易任邵陽魏默深

寓公小草後輓詩云萬言遺

疏氣嶙峋戶諫甯徒古盡臣薦瑗誅彌周直史排雲叫闕  
楚靈均風雷何日金滕發葵藿難通黼座陳身後被誰焚  
諫草觚棱月照漢官闔甘毀楹書已莫論黨秦誣岳又誰  
昆盛唐李嶠真無子南宋韓琦漫有孫地下相逢堂構痛  
關西並相斗山尊盡乘氣數元黃事休問琅瑯與太原